

# MI JESU A TAHA ATOBIZA



Muñoli Joani, kauhanyo ya bu 11, kukalela fa timana ya 18, Ni bata kubala.

*Cwale Betania neli mabapa ni Jerusalema, musipili olikana ni liñokolwa ze lishumi ka ze ketalizoho:*

*Mi buñata bwa Majuda ba taha ku Mareta ni Maria, ku to ba ombaomba ka kezela bona.*

*Mi Mareta, ha na utwile kuli Jesu wa taha, ayo mu katanyeza: kono Maria aina akuzize mwa ndu.*

*Mi Mareta ali ku Jesu, Mulena, kambe noliteni kwanu, kezela ka kambe ha si ka shwa.*

*Kono Ni ziba, kuli nihaiba cwale, kaufela seo uka kupa. . . Mulimu, Mulimu u ka kufa sona.*

*Jesu ali ku yena, Kezela hao u ka zuha hape.*

*Mareta ali ku yena, Ni ziba kuli u ka zuha hape mwa zuho ya lizazi la mafelelezo.*

*Jesu ali ku yena, Kina zuho, ni. . . bupilo: ya lumela ku na, ni ha shwile, u ka pila:*

*Mi kaufela ya pila mi a lumela ku na hana kushwa. Wa lumela cwalo nji?*

*Mi ali ku yena, Eehe, Mulena: Ni lumela kuli ki wena Kreste, Mwana Mulimu, yana lukela kutaha mwa lifasi. (Mi amulemuhe seo!)*

*Mi asino bulela cwalo, a nanuha mi aikela, ni ku biza Maria kezela hae kwa mukunda, kuli, Kiyo Muluti utile, mi wa ku biza.*

<sup>2</sup> Halu lapeleni. Ndata luna ya kwa Lihalimu, paka Manzwi ani kwa lipilu zaluna, busihu boo, hanze lu libelela ku Wena cwale. Linzwi la Hao, mutanga Hao, ni palo, kaufela li beilwe ku Wena, ka Libizo la Jesu Kreste. Amen.

Mwa kona kuina.

<sup>3</sup> Mulelo waka fa kuba mo ki kulika kutusa sicaba sa Mulimu. Isiñi ka sa kulapela, ni kubeya mazoho fahalimwa bakuli, kono ki kuli ba lemuhe Jesu Kreste mwahala luna, Mwana Mulimu mwahala luna. Busihu boo lu bulela fa tuto ya kuli: *Mi Jesu A Taha Atobiza.*

<sup>4</sup> Cwale ka nako ye lu ambola ka yona, neli nako yetata ku tomolisa pilu hahulu. Haiba mukile mwabala likande mwa bupilo bwa Mulena luna, lufumana kuli Nali Mulikani yomutuna ku mushimani yo, Lazaro. Nali yena. . . Kasumulaho wa kuya kwa Josefa, kamba, Na sa ile mi ato pila ni Mareta, Maria, ni

Lazaro. Mi neli balikani ba batuna. Neba nani . . . Na swana sina mulisana ku bona, neli—neli Mulikani. Ni ku Mu ezeza tuapalo nyana twa kutina, koti ya kutina, Na lumela, ba li, ne i lukilwe kwa matuko kaufela kusina mungundo. Mi hane ba Mu ezeza lika, kakuli ne ba lumela ku Yena. Neli bona bene—bene ba lumezi ni ku libona. Neba siile keleke, ni zeñwi cwalo, ku latelela Yena. Mi yani neli nto yetuna mwa lizazi lani, yeo mane nihaiba mulatu wateni no lukela kuba lifu, kuba—kuba kwahule ni zona.

<sup>5</sup> Kono, Jesu, Mutangana yo ya na zamaya zamaya mone ba bulelela, inza wisaka likeleke za bona, ni kubulela lika ze maswe ka muprisita wa bona, ni—ni zeñwi cwalo, Nasa—Nasa ba holofalize kale habutuku, ba hupula cwalo. Mi—mi nihaiba ku Mu bulela neikaba ku—ku lelekelwa kwande a masinagoge. Mi haiba u kwande a keleke, neba—neba hupula kuli ne musike mwaba—mwaba ni kolo ya kuliululwa. Haiba ne musike ku fumanaha ku yeñwi ya tutengo twa bona, sina Mufarisi, Musaduki, kamba yomuñwi, nekusina kuliululwa hane mukaba kwande a sani. Mi haiba neba na ni tukelo, linotolo, mi kipeto neba ka ku lahela kwande haiba ne ba ka tabela kueza cwalo. Wani kona onoli mubulelelo wa bona. Ki kabakaleo Jesu hanaize kuli, “Mina, ka lizo za mina, mu fetuzi Linzwi la Mulimu kuba lelitokwile mata.” Mwabona?

<sup>6</sup> Mi cwale likutezi hape, kakuli kaufela luna lu ziba kuli za kale za kutakelanga fa ni fa. Mi ki—ki bumai kubulela cwalo, kono ne ku polofitilwe kuli lika kutela, mi liezahalile ona cwalo hape.

Lu fumana kuli Jesu na sa hupulelwi zende.

<sup>7</sup> Linako zeñata, batu ba tabelanga kuatula mutu ya sa lumelelani ni bona. Ha lu lukeli kueza cwalo. Lwa kona ku sa lumelelana ni yomuñwi, kono niteñi lube balikani. Haiba Ni palelwa ku lumelelana ni mutu, ibo niteni ni mulate ni ku mu lapelela, ni ku sa lumelelana ni yena ka- . . . ni yena ka mayemo a Mañolo, mi ka ku imuluha kokunde, konakuli Hanina kubulela sika ku yena. Ni ka bata kuli ni si ke na lumelelana ni yena, ka bulikani, kakuli Na mu lata, mi Ni—Ni na kaniti hani lati kuli alatehe. Mi ni yena una ni kueza nto yeswana ku na; halu lati ku lateha. Mi luna ni kubeya mihupulo ya luna ku seo Linzwi li si bulela. Mutuhele kuli Linzwi libe la niti. Isiñi tuto ya luna ya litumelo kamba mihupulo ya luna, kono ki Sa bulela; hakuna toloko ya kwa mukunda, kono ki seo fela Linzwi li bulezi.

<sup>8</sup> Busihu bobuñwi, Ne ni ezize nto yeñwi mi ne i bonahalile kuba kashwau cwalo, Ni lumela kuli neli kwa mukushuko wa bakutazi kakusasana omuñwi. Ne ni beile Jesu fa muliko. Na li, “Inge fela mo ne ba ezelize ka nako yani, kona mo ba ezeza ni kacenu.” Mwendu ne ku kaba hande ha Ne ni ka kutela sani fa nako nyana, haiba luna ni nako. Cwale, Na li, kacenu lu fumana cwana kuli . . .

9 Mwa ku cinciwa kwa Luther, yena, mwa nako ya sani, na bulezi kuli ba ba lukile ba ka pila ka tumelo. “Mutu ya lumela, yena, ki yana ni Sika.” Kono lu fumana kuli buñata bwa bona ne ba bulela kuli ne ba lumela, kono inge ba sina Sona.

10 Mwa mazazi a—a John Wesley, haiba ne ba amuhezi mbuyoti ya bubeli, ne ba ibiza kuli, kukeniswa, kukeniswa ko kutezi, ne ba tabezi ni kuhuwaka. “Mañi ni mañi na huwile, nana ni Sona.” Kono ba to fumana kuli ne ba sina Sona. Buñata bwa bona ne ba huwile, kono ne ba sina Sona.

11 Mazazi a Pentekota, neba ize, “Cwale ku kutisezwa kwa limpo kutile, kolobezo ya Moya. Ya bulela ka malimi, u Si amuhezi.” Lu fumana cwana kuli babañata ne ba bulezi ka malimi, kono niteni ne ba sina Sona.

12 Kacwalo ba li, “Kihande, muselo wa Moya, seo kona se Ili sona.” Oh, batili, isiñi muselo wa Moya. Sayansi sa Sikreste ina ni seo, ko kusina . . . Lilato ki muselo wa Moya. Mi, bana ni lilato leli ñata kufita mutu ufi kaufela, ibo ba latula Bumulumu bwa Jesu Kreste; ba Mu biza kuli mupolofita, kuli ki mutu wa fela fela. Mwabona? Kacwalo seo ha si ezi musebezi.

13 Mutuhele fela ni buze cwalo fa muzuzu. Ha lu beyeni Jesu mwa muzeko. Mi Mulimu ani swalele ka pulelo ye, ku zwelela kwa katala, kono Ni ka Mu lwanisa fa muzuzu fela, ili ku mitisa fela kwa Liseli. Mwabona?

14 “Cwale Nina ni mina sicaba kaufela busihu boo; Ni bulela ku mina. Ni . . .” (Ki kwa mulaho mwa lizazi leliñwi, fani Jesu wa Nazareta hanali mwa lifasi.) “Ni taha ku wena, kwa ku to ikambota ni wena kuamana mutu yo, Jesu wa Nazareta. Cwale lu ziba kuli Mulimu u lilato. Biblele ibulezi kuli U cwalo. Ku lukile, mi lilato, Moya una ni pilutelele, musa, tibebelelo, ku ishuwa, ni zeñwi cwalo, ni lilato. Cwale Ni li, Ni bata ku mi buza nto yeñwi. Luka nga se—se lu ziba, kuba Mukreste.

15 “Mutalime ku muprisita wa kale wa mina yoo. Kuku wabo-kuku-wabo-kuku wa hae yomutuna neli muprisita. Nana ni kupepelwa mwa lusika lwani lwa Malivi, kuli abe muprisita. Lu fumana kuli, cwale, hana bupilo bwa mucaha yomunyinyani sina kaufela mina mo mubezi. Ki sikamañi sa eza? Wa ipa ili yena, u ya kwani ku yo bala Linzwi, lona Linzwi la Mulimu. Wa fita ku lona, musihali ni busihu, musihali ni busihu, una ni kuziba taku yateni kaufela, linzwi lifi kaufela fa litapa. Una ni ku i ziba ka kupeta. Una—una, ki nto yeñwi fela ka yona ya lukela kuziba.

16 “Mi kipeto, kwanda zeo, bo ndataho ni bo maho hane ba nyalani, ki mañi yana ba kopanyize hamoho kuba muuna ni musala hae? Neli muprisita wa kale wa za bumulumu. Ki mañi yana tile ku bo ndataho hane ba tokwile mi neba kolotile masheleñi fa litema la bona, fani ba mitelo hane babata ku ba muha lona? Ki mañi yana bayemi kwatuko? Neli muprisita wa henu ya musa. Ki mañi yana yemi bukaufi ni bo maho mwa

sibaka sani haba ku puluha? Muprisita ya musa wa kale. Ki mañi ya tahanga ku wena ha ukula mi u tokwile? Ki muprisita wa henu ya musa. Ki mañi yana ku fuyozzi ni kuku neela ku Mulimu, ni kuku kenya mwa mupato ka lizazi la bu eiti? Neli muprisita wa henu ya musa. Fani bo ndataho ni bo maho hane babata ku kauhana, ki mañi yana ba tisize hamoho, kuba swala hamoho? Neli muprisita wa henu ya musa. Ha ku nani butata mwa silalanda sa mina, ki mañi ya li tokomelanga zeo? Ki muprisita wa henu ya musa. Kaniti.

17 “Cwale muprisita ya musa yoo uziba kuli Bibebe ibulezi kuli Mulimu utokwa ngunyana ya sitabelo. Buñata bwa mina baana ni baana ba pisinisi, kacwalo ha muuti lingu, kanti Mulimu utokwa ngu. Ne ba bileni lintolo zeñwi kwani, ba lekisa lingu za bona ili kuli ba—ba baana ba pisinisi baye ba yo lileka, banze bafa sitabelo ka mioyo ya bona, sa bata Mulimu.

18 “Ki sikamañi sana ezize mutangana yo, ya bizwa Jesu? Ki kai kwa na zwelela? Kuti na pepilwe, ka mwalyanjo. Ki mañi ya kile autwa nto ya bukuba cwalo? Lu ziba kuli bo mahe ne ba na ni yena mane yena ni Josefa ba si ka pepwa kale, kamba, yena ni Josefa ba si ka nyalana kale, asika pepwa kale. Cwale lu fumana kuli ki—ki libizo le limaswe, ka kukala.

19 “Ki kadi mañi ya bu membala ya nani? Haiba nali muuna yomunde, ki sikwata mañi sa na i kopanyize ku sona? Mi muprisita hana inzi ni kubala, kubala, kubala, kubala, kuziba Linzwi lani; ki yo sa taha, ku to lubaluba sa na yahile. Kana muka biza sani kuli ki ‘Mulimu’? Batili kutokwa.

20 “Cwale, zazi leliñwi, fani muprisita hana ezize sibaka sani kwani, haili. . . mi kone mu ka leka sitabelo, ki sikamañi sa na ezize mutangana yoo? Bunde? A nata, a kopanya mihala hamoho, bwanda ni mukata, ni ku talimela kwa sicaba, ka buhali; alahaka litafule zani, ni ku ba shapaka kuzwa kwani. Mi mubiza zani miselo ya Moya, ku ba talima, ka buhali? Mi, mutalime, ku tibela mutu kolo ya hae ya kulapela Jehova! Muuna wa pisinisi ubata ku Mu lapela; ha uti lingu, mi aya kwani ku yo i leka. Mi A li fetaula, ni ku ba lahaka, ni ku ba lelekela kwande.”

21 Ki mañi yana ni Moya kafoo? Um-hum. Mwabona? Kifo he cwale. Mwabona, ha ki muselo wa Moya, ha ki kubulela ka malimi, ha ki kuhuwa.

22 Mu li, “Cwale, Muzwale Branham, bupaki ki bufi? Bupaki ki bufi?” Ponahazo ya Linzwi mwa hola ye.

23 Neba nani Bibebe. Nali yena ona cwalo sana bulezi Jehova kuli si ka ezahala. Ha sitokwi nihaiba toloko yekana. Ne si i tolokile kwani. Bani neli bona baprisita ba mina, neku na ni zene banani kaufela, ni lika zeñwi kaufela neli za sitwaelelo ni kupeta fela ni lika zeñwi, kono ni cwalo ba palelwa kubona Linzwi. Mi A eza Linzwi lani kuba lelipila mwa lusika lwani. Bwani neli bona bupaki bwa lusika lwani.

24 Luther nana ni bupaki bwa lusika lwa hae, Wesley bwa lusika lwa hae, Pentekota bwa lusika lwa yona, kono luna lu mwa lusika lusili. Lika zani ki zende. Kono sina mbututu, haina ni minwana, ni liito, ni ngo, kono kasamulaho ina ni kuba mutu ya kwanile. Una ni kuba—kuba mwana ya kwanile; kona aka pepwa, abe ni moyo, mubili, moya, ya kona ku zamaya kwa ni kwa.

25 Cwale lu fumana cwana kuli, kaufela se, Jesu na patalize, mi hanyinyani fela, ki bani fela ba Na tomezi kwa Bupilo, ne ba Muboni. Ha ki nyangela yetuna; nyangela ya Hae neisike kuba inge sicaba sa Kefasi. Kiñi, Kefasi na ka biza naha kaufela hamoho. Jesu na bizize fela ba balikani hamoho. Ha ki babañata bene ba Mu zibile. Likiti kiti ha li alulwa ka likiti kiti, fani ha Na tile mwa lifasi, Na ile mwahala lifasi, mi mane ne ba si ka ziba kuli Na li faa.

26 Kona mo kuka bela hape! Uka taha ku bao baba bizeliwe kwa Bupilo. Wa ziba ya bizelizwe kwa Bupilo. Mi Haana . . . Ki musebezi wa Hae kuli atokomele zani.

27 Cwale mulemuhe kuli hane ba zwile mwa keleke, mi ne ba Mu lumezi. Lika kaufela zeo Linzwi ne linze li bulela ka Yena, ki Yani nali fani.

28 Mi zazi leliñwi A siya lapa la bona. Ni bata kubulela ka lika zetalu: Jesu na saile; lifu ne li tile; mi sepo kaufela nese iile. Ni bata kubulela ka lika zetalu zani ka mizuzu yelikani fela.

29 Jesu na sa ile. Mi ha Na ile, butata bwa ba kenela. Mi cwale Ha mi siya, kamba lapa la mina ko mu pila, butata bu mwa nzila ya bona. Satani una ni munyako o kwaluhile Jesu a saya fela.

30 Na sa ile, mi ibile—mi ibile fela ha Na ile, kipeto lifu se likena mwateni. Mi cwale Jesu ha zwa mwa sibaka, lifu la taha mwateni. Ku kauhana kuzwa ku Yena ki lifu, kacwalo lifu la kenanga mwa sibaka haibile fela Jesu u zwa mwateni.

31 Mi lifu ne se li kenezi Lazaro. Mi cwale Yena yene ba lumela ni kulata, ne ba Mu bizize kuli atahe ato lapelela Lazaro, kakuli ne ba Mu boni ni kuziba kuli Na ziba Mulimu, kuli, “Kaufela, Mulimu. . .” Mareta na bulezi cwalo kwa mulaho kwani, “Kaufela So ka bulela ku Mulimu cwale, Mulimu uka si eza.” Na zibile kuli Yena ni Mulimu neli Alimuñwi. Nali yena Linzwi la hola, kacwalo na lemuhile cwalo. Mi na zibile, hana ka to kopana ni Yena, kono Na sa ile mi ba palelwa ku Mu fumana. Mi ba Mu kupa kuli a tahe, mi, kufita kuli A tahe, A zwelapili kuya kwahule nyana. Mi se ba mu biza hape, mi, kufita kuli A tahe, A zwelapili kuya kwahule nyana.

32 Fokuñwi lwa bilaelanga lika zani ha li ezahalanga, kono kana Mañolo a buleli kuli, “Lika kaufela libelekela hamoho kwa bunde ku baba lata Mulimu”? Wa ziba Sa sweli kueza. Haiba A liyeha, fo ku lukile. Wa ziba Sa sweli kueza. Neku na ni libaka.

33 Lu fumana kuli Na bulezi cwana, ku Muñoli Joani 5:19, “Ka niti, niti, Ni li ku mina, Mwana hakoni ku ikezeza sika Iliyena, kono konji Sa bona Ndate a sieza.”

34 Ndate na Mu bulelezi kuli aye kusili, ni kuba kwahule fa mazazi amañata cwalo. Kasamulaho wa mazazi ha na sa kwanile, cwale A bulela sa Na bulezi, ali, “Mulikana luna Lazaro u lobezi.”

Mi ki ali, “Kihande, u eza hande.”

35 Ki ali, “U shwile. Mi kabakala mina Ni tabile kuli Ne ni siyo.” Kakuli, ne ba lika ku Mu bulelela kuli aye kwateni ku yena, ku yo mu folisa kamba kubulela sene si lukela ku ezahala. Kono Na zibile sene si lukela ku ezahala, kacwalo A eza ona cwalo hande sa Na lukiselizwe kueza: kuya kwahule. Haiba mu Mu lemuha fa libita ha Na kutile. Na bulezi cwana fani ha Na kutile mi a fumana munzi wa hae.

36 Sepo kaufela ne se i icongile. Lazaro na sa shwile. Hola kaufela, ne ba sweli ku nahana kuli, “Hakulata uka kuta aiponahaze. Hakulata uka kuta aiponahaze. Hakulata uka kuta.” Kwa mafelelezo, a shwa, moya wa mu siya.

37 Se ba ya, ba mu toza mulyani wa ku omisa, ku hamula mali mwa mubili wa hae, ba mu putela mwa masila a line, sende, ni ku mu omisa mi ba mu lobaza mwa libita, ba beya licwe fa munyako wa libita, kona mo ne si inezi sizo sa bona sa kupumbekwa mwa mazazi ani. Musima mwa mubu, mane mwendi mwa licwe fela, ni kulimba licwe fahalimwa lona, sani neli sizo sa bona.

38 Zazi la pili la fita, zazi la bubeli la fita, zazi la bulalu la fita, zazi la bune la fita, mutu wateni na sa bolile kale mwa libita. Ngo ya hae ne se imbobezi mwahali. Sani, Ni sepa kuli sani kona sika sa pili se si kalanga ku mbobela mwahali, ki ngo. Mi na sa bolile kale. Haili—haili nama ya hae nese ikutezi kale kwa liluli, la mubu, kamba kukutela kwateni. Moyo wa hae ne se uli mwa musipili wa mazazi a mane kusili, kuzwa ku yena.

39 Sepo kaufela ya ku mu bona hape, mwa bupilo bo, ne se ifelile. Mi cwale sepo kaufela hane se ifelile. . . Ne ba libelezi, “Mwendi haiba Uka taha ka zazi la pili, zazi la bubeli!” Batili. Kwa nalulelule a shwa, mi Na si ka taha. Mi ñalelwa ya ba kenela.

40 Kasamulaho nyana neku na ni yana mu bulelezi kuli, “Muluti ki yo fande.” Ki yo Mareta azwela kwande mwa mukwakwa!

41 Jesu ataha mwa hola yensu yani hane se kufelile sepo kaufela. Fani hañata kona Fa telanga. Mwabona? Yena utahanga fela fa nako yani ha ku unsufezi hahulu, kipeto Jesu wa iponahaza.

42 Cwale mutalime, Na tile ku to biza Mareta. Kubatani kwa Hae kwatisa sepo yenca. Hakuna taba kamba mushimani yani na sa shwile, niteni Kubatani kwa Hae kutisanga sepo yenca.

43 Mwendu uteni mo busihu bwa kacenu cwana, mulikana ka, fo bo dokota ba ku palezwi, bakeñisa kansa, butuku bwa pilu. Mwendu u mwa sipula sa mawili, u sihole, sayansi kaufela ibulezi kuli hakusana sepo ku wena; buñata bwa kalsiamu i—i tamile masapo a—a—a hao, kuli haukoni ku a puta ni hanyinyani. Kamba, mwendi ki—ki pilu ya hao ye totobezi hahulu, dokota uli wa kona kuiconga fa muzuzu ufi kaufela. Oh, ni likwata zetuna za batu babana ni kansa ni TB, mwendi sepo ya mafelelezo yo nani, ibonahala kuli dokota u ku palezwi. Ibo, kuba fa pila Kubatani ni kulemuha Kubatani kwa Jesu Krete, kutisa sepo hape.

44 Yomuñwi wakona ku li bulela ku wena. Mwendu wali kuba u li utwe fateni, kono yomuñwi a bulele fela kuli, “Na ziba ko kuna ni keleke, ko ba lumela ku Mulimu ni ku lapelela,” kapili (Cwale, u fakaufi ni kushwa. Mwabona?), kipeto sepo yenca ikala ku shoshela. Ya ezanga cwalo kamita. Mwa hola yensu yani, fani kona fo hañata mutu ha bulela sika ka zona, wa ku bulelela ka za Jesu. Kubatani kwa Hae kwa tisa sepo yenca.

45 Zeo ha li eze nto yeswana busihu bwa kacenu, sina mo ne li ezelize busihu bwa maabani. Ha lu bona Linzwi le li pakilwe lani kusina nihaiba muluti wa ku kakanya, zeo se li bonahalile, ni ku bonisa kuli Jesu *yani* yana pilile myaha ye mianda ye lishumi ka ye ketalizoho ni ye mine kwa mulaho, yana shwile fa Kalvari, a zuha ka lizazi la bulalu, ni ku bonahala kwa balutiwa bani ni ku kwalula meeto a bona, mi afa sepiso ye ya lizazi lee, uteni ona busihu bwa kacenu boo cwale, li tamehile kutisa sepo kwa sicaba. Sepo yenca itaha sinca.

46 Mwendu yomuñwi uize, “Keleke ibile ye omelezi fa nako nyana. Ha lu si kaba kale fateni ni mezi amanca ka—ka—ka likweli nyana. Ha lu si kaba fateni ni ancafazo. Ku bonahala kuli mañi ni mañi u inelezi kulo fo kuswana, kamba nto yeñwi cwalo. Lu yanga fela kwa keleke kwa kuopela lipina, mi—mi ni kuteeleza mañusa ni kukuta.” Kono hañihañi fela, kipeto, ha lu kala kuba baba kwa omelela, kipeto Jesu utaha ku to iponahaza, wa lu ncafaza sinca, utisa nto yenca ku luna. Yena uteni kamita kuli aeze cwalo. Sepo yenca ya taha kifo—kifo Jesu ha sa tile. Kubatani kwa Hae kutisa sepo yenca.

47 Na zibile kuli Na li yena Linzwi la Mulimu le li bonahalile. Na sa boni kale sani mwa lusika lwani. Kamba, kambe na si ka lemuha cwalo, na ka ba wa Orthodox. Kambe na sa li wa keleke niteñi. Kono na boni Linzwi la sepiso lani. Na boni Linzwi la sepiso lani ha li bonahaliswa ki Yena mi a ziba kuli Nali yena Linzwi lelipila lani. Mi a si no utwa zeo, na si ka iseza pilu ku bene ba mu nyaziseza, sika sifi kaufela, na zwezi fande ku Mu

mbatoka katata mwa na konela kaufela. Mwabona? Na zibile kuli nali Yena Linzwi leli bonahalile lani.

<sup>48</sup> Hakuna ku kakanya kono sa na balile ka likande la Elia mwa mazazi a hae. Cwale, nali yena ku bonahala kwa Linzwi la Mulimu mwa lizazi lani. Nali yena mupolofita, mi Linzwi la Mulena li tahanga ku mupolofita. Mi ne kuna ni musali kwani yana nani mbututu yomunyinyani yana filwe ku yena ka mbuyoti ya kuli mupolofita na mu fuyozi ka yena, mi aba ni mwana.

<sup>49</sup> Zazi leliñwi, ka ilebene kiloko cwalo, a natiwa ki kucisa kwa lizazi. Nali kwande mwa simu ni bo ndatahe, Bibehe ha i buleli kuli neli cwalo, ili neli kucisa kwa lizazi, kono akala kulila, “Toho yaka! Toho yaka!” mwendi ka ilebene kiloko cwalo mwa musihali. Mi nana ni mutanga, wa ndatahe, kuli a muise kwa ndu. A lobala fa mautu a bo mahe ka nako ya musihali, akula kutotobela ni kutotobela, mi mafelelezo a shwa.

<sup>50</sup> Mi cwale, kufita kuli abe mwa sabo, bene bapila. . . mabapa ni yena kaufela ba taha inge ba huwa ni ku bokolola, kono me ya sweli pilu yani, mbututu wa hae inge a shwile, a muisa mwa muzuzu wa ndu yani yana lukiselize mupolofita, ni ku mu lobaza fa mumbeta wa hae, sina *cwalo*. Mi ki hali ku mutanga, “Ni fungele pelesa, mi u pahame kapili, mi usike wa yema konji ha Ni ka kubulelela.” Oh, mawi! Yeo ki niti!

<sup>51</sup> Haluna nako ya ku kanana ni ku hohana. Le ki lizazi lisili ha ki la zeo. Halu yenii kwa pata. Lu lukela kufita kwani. Luna ni ze lu tokwa.

<sup>52</sup> Mi ki hali, “U zamaye kwapili, mi usike wa londotoka kwa muzamao wa hao haisi ha Ni ka ku bulelela kueza cwalo.” Mi ba ya cwalo kufita ba yo punya ku Elia.

<sup>53</sup> Elia, kakuba muuna wa Mulimu, isiñi sina Krete; Krete na ziba lika kaufela, kakuli Yena neli Mulimu. Elia nali siemba sa Mulimu. Yani neli Krete ku Elia. Mi lani neli liñusa la hola, kakuli Linzwi la Mulena la hola yani nelili ku mupolofita yani.

<sup>54</sup> Jesu nali mutalelela wa bapolofita bani, mañi ni mañi wa bona na bonahalisa Yena. Ku felile. Ku kalela ku Josefa, kuzwa kwa lishekele ze mashumi amalalu za silivera, kai ni kai, ne—ne li bonisa Krete. Ku cwalo ni ku Mushe!

<sup>55</sup> Davida, na inzi fa lilundu kakuba mulena ya hanilwe, inza lila kakuli na hanilwe. Myaha ye mianda ye mashumi a ketalizoho ka zetalu kasamulaho wa fani, Mwana Davida aina fa lilundu lani. Wani neli Moya wa Krete ku Davida kwani. Mi ki Ha. . . Mawi! Nali sibeli sa Mubisi ni Mwana wa Davida. Mi kacwalo Aina fa lilundu, inza lila, sina Mulena ya hanilwe, “Jerusalema, Jerusalema, mone Ni latela kuku bukeleza, sina nasikuku kwa tuzwinyani twa yona.” Neli sikamañi? Neli Krete kwa mulaho kwani.



56 Neli Kreste ya na lila fani Davida hana ñozi pina ya kuli, “Mulimu waka, U Ni tuhelezi ñi? Masapo a Ka kaufela, a Ni talimile. Ba tabile mautu a Ka ni mazoho a Ka. Ba pazuzi liapalo za Ka. Ba ezeza za kulaula fa kubo ya Ka.” Yani neli Kreste ya na bulela ku Davida. Yeo ki niti. Nali yena mutalelela wa Linzwi. Kreste na tezi ku to taleleza lika zani zene bulezwi ka bapolofita, kakuli Linzwi nelili ni bapolofita.

57 Na bulezi cwana mwa tuto ya maabani busihu, kuli Na tezi ku to taleleza sene ba bulezi bapolofita ka Yena, kakuli neba na ni Linzwi. Mi Elia neli mupolofita wa Mulimu, lona Linzwi la lizazi lani.

58 Kacwalo musali wa mu Shuneme aina ni mupolofita yani kufitela ha to bonahalisa mata a Mulimu, ni ku lobala fahalimwa mbututu, mi mbututu ataha kwa bupilo.

59 Cwale Mareta na lukela kulemuha cwalo, ni ha na patehile kutokomela za mwa ndu, kutapisa mikeke, ni zeñwi cwalo. Kono fani na bonisize mubala wa hae. Na bonisize hande sene sili ku yena. Na ilo Mu katanyeza kapili. Haiba Mulimu nali ku Elia, Mulimu nana ni kuba ku Kreste, kakuli Na pakile kuli neli Yena Mutu yani. Amen. Na lata cwalo, ona tundamo yeo! Ata ku Yena. Nana ni kufita ku Yena. Mi afumana kuli kwani, hana ilo fita ku Yena—ku Yena; cwale muhupule, na zibile kuli Na si ka cince kale, ni kuli Mulimu ha cincangi tukiso ya Hae. Haiba Nali ku Elia mi na konile ku zusa bafu, Nali ku Kreste mi na kona kuzusa bafu, ni ha Na si ka eza kale zeo, kakuli ki Mulimu yaswana.

60 Mane ali kuba A cince fateni nihaisali! Ki Mulimu ali yaswana busihu bwa kacenu sina mwa Na belanga sapili. Wa swana maabani, kacenu, ni kuyakuile. Yena ha cinci.

61 Mi Na zibile kuli musali na zibile kuli ki Yena. Mutalime, mwa mizuzu fela yelikani i pakile cwalo, ha na bulezi nto yeñwi ku Yena ka muzwale wa hae, mi ki hali, “Mulena, Na—Na lumela kuli ki Wena.”

62 Mi ki Hali, “Kina Zuho ni Bupilo. Ni ha shwile, uka pila. Mi kaufela ya pila mi alumela ku Na hana kushwa. KI NA.” Yani ki yena yali KI NA yanali mwa sicacani sene situka mulilo, ni Mushe. “Ki na Zuho. Ki na Bupilo. Ne nili na Limota. Ni Sali Na. Ki na Zuho ni Bupilo. Ya lumela ku Na, ni ha shwile, uka pila hape. Kaufela ya pila mi alumela ku Na, hana kushwa.” Kasamulaho wa sepišo tuna yana amuhezi ye, kuli Nali yena Linzwi lene li sepišizwe; ha Na bulezi, kakuba Mupolofita, Na sike kubulela buhata; kabakaleo Yena, ha Na bulezi kuli, “Ki na yali KI NA. Ki na Ya li Zuho ni Bupilo.”

63 Musali ali, “Ni lumela kuli ki Wena, Mwana Mulimu ya Na lukela kutaha mwa lifasi. Nihaike nge kezela ka u to kwahalile, ya lobezi mwa libita mwani, una . . . mubili wa hae wa bola cwale, kono nahaiba cwale, kaufela So ka bulela, si ka ezahala.” Luli!

64 Kaufela za na bata neli ku Mu utwa ha bulela cwalo! Amen. Oh, Mareta, lukai busihu bwa kacenu? “Bulela fela Linzwi; mutanga ka uka pila!” Ku Mu utwa fela habulela cwalo! Hakulata ne ba tile ku yena ni ku mu bulela kuli ki Yena ya bulezi, kono fa Nali yena Kasibili. O Mulimu, kwalula meeo a libofu, kuli ba kone kubona! Fani Yena, mwa Kubateni kwa Hae, ha bulela Linzwi, kamita la bonahalanga.

65 Ki hali, “Kaufela So ka kupa Mulimu, Mulimu uka Kufa sona. Tuhela fela kuli ni utwe!” Na bata ku Yena a mu bulelele Linzwi. Kona fela za na bata kuutwa. Ki kunga fela Linzwi, kona fela za na tokwa, neli ku Mu utwa ha bulela kuli Na ka eza cwalo.

66 Mi Na ka eza cwalo ona fani kapili, kono, mwa bona, ka pono ya kuli Ndate na Mu bonisize, Na yemi bukaufi ni libita. Oh, mawi! Muswale tumelo ya mina! Mulimu usweli ku beleka lika kaufela hande. Ku kaba hande. Na libelezi fela kufitela ha yo fita kwa libita.

67 Mulemuhe, na ka Mu utwa fela inza bulela cwalo, mi mane ni ha na . . . Sepo kaufela ne se i icongile, lika zeñwi kaufela. Na sa shwile, kubola mwa libita, kono ku Mu utwa fela sika, kona fela za na bata.

68 Cwale ha Na ti lo bulela kuli, “Ki na Zuho ni Bupilo,” sa li lumela. Na li lumezi. Cwale mulemuhe, cwale nana ni ku lumela ze sa konahali, mi a Mu utwa inza li, “Ki na Zuho ni Bupilo. Ni ha shwile, uka pila, mi kaufela ya pila mi alumela ku Na hana kushwa.” Ali, “Kana wa lumela cwalo?”

69 Mi ki hali, “Eeni, Mulena, Na lumela cwalo. Ni lumela kuli ki Wena Mwana Mulimu yana lukela kutaha mwa lifasi.” Na lata cwalo. Na lata cwalo.

70 Ni—Ni bulezi kale zeo. Sakona kuyema hape ni ka nako ya cwale. Ne ni ambola ni musali yomuñwi ha ki kale hahulu, neli keleke yeñwi kone Ni bulezi nako nyana yefelile, bene ba sa lumeli kuli yani Neli Mulimu, Bumulimu bwa Hae; Nali fela mupolofita, mutu wa fela fela.

71 Nali ya cwalo, luli. Nali ya cwalo, hape neli Mulimu. Mwabona, Nali yena ponahazo. Jesu ki mubili, nali Mushimani, nali Mutu; Mulimu neli yena yana pilile ku Yena. Mulimu nali ku Yena. Nali Mulimu ku mutu. Nali Mutu, ibo Nali Mulimu yana i ponahalize mwa nama. Ha lubona Jesu, lubona Mulimu. Sani kona sa Na bulezi, “Ha muboni Ndate . . . ha muboni Na, muboni Ndate.” Kakuli, Nali yena ponahazo, kakuli Nali yena Linzwi, amen, lene li liteni kwa simuluho. Amen.

72 Na bizize bapolofita kuli, “balimu.” Kana mwa ziba cwalo? Na ize, “Mu ba biza kuli ‘balimu’ ili bao Linzwi la Mulimu nelitile ku bona. Mukona cwani ku Ni nyaza ha Ni bulela kuli, ‘Ni Mwana Mulimu?’”

73 Kakuli, lona Linzwi le liswana ni Yena likaba teni, mi kuna ni Linzwi leli iponahalize hape. Mi niteni habana kuli li lumela.

74 Musali yo ali kuna, “Na kona ku mi bonisa.” Ali, “Ni tabela ku kuutwa ha u kutaza, kono kuna ni nto iliñwi yo lata hahulu kueza.”

“Kihande, ki sikamañi seo?”

Ali, “Ubulelanga hahulu ka za Jesu.”

75 Se nili, “Ni sepa kuli zani kona Za ka ni lwaniseza Ha ka taha.” Mi musali ali . . . Se nili, “Ni sepa kuli zeo kona fela Za kona kueza, mulatu Wa kona ku fumana ku na.” Se nili, “Kambe Ni nani mishobo ye litiki ze mashumi, Ne ni sike na bulela hahulu, oh, mawi, seo Ali sona!”

Musali ali, “Kono, wena, wena u Mu eza kuba Mulimu.”

76 Nali, “Nali yena. Kamba, haiba Na si cwalo, konakuli Nali yena yomutuna hahulu kwa mahata bao lifasi likile la ba ni bona fateni.”

Mi ali, “Nali mupolofita.”

77 Se nili, “Nali Mupolofita, yeo ki niti: mupolofita wa Mulimu, mutalelela wa Linzwi. Mupolofita nana ni fela Linzwi lene litile ku yena, sani kona se si mu eza—ku muezza kuba mupolofita. Kono Nali yena mutalelela wa Linzwi lani.”

78 Mi musali ali, “Nakona ku mi bonisa.” Ali, “U Mu eza kuba Bumulimu.”

Se nili, “Nali wa Bumulimu.”

Mi ki hali, “Hakoni kuba wa Bumulimu.”

Se nili, “Yena . . . Kono Nali yena.”

Musali ali, “Ubulezi kuli wa lumela Bibebe.”

Se nili, “Na lumela.”

79 Musali ali, “Ni ka ku bonisa, ka Bibebe ya hao, kuli Na si wa Bumulimu.”

80 Se nili, “Eza cwalo. Haiba Bibebe i bulela cwalo, mi Ni ka lumela, kakuli Ni lumela Linzwi kuli li lukile.”

81 Musali ali, “Fa musipili kuzwa kwa libita la Lazaro, wa hupula kuli ki ku Muñoli Joani 11?”

Se nili, “Na lumela, maama.”

82 Ali, “Kihande, cwale, fa musipili wani, A lila. Bibebe i bulezi kuli, ‘A lila.’”

Se nili, “Luli, Bibebe iize A lila.”

Ali, “Kana U kona kuba wa Bumulimu mi hape a lile?”

Se nili, “Nali mwa butu.”

“Butu ni Bumulimu?”

<sup>83</sup> Se nili, “Eeni, kalibe. Wa palelwa kubona. Nali fela—fela mutu yana zamaya fani, na lilile ni bene ba lila, yeo ki niti, kuswaba ni bene ba swabile. Nali mutu. Kono ha Na otolozhi hande mubili wa Hae olikani, o mu sisani, mi ali, ‘Lazaro, zwa mo,’ mi muuna yana shwile mazazi amane, ayema ka mautu a hae. Sani ne si fitelezi buino bwa mutu, yani neli Mulimu ku Mutu.” Ki mañi ya kona kuzusa bafu, kwanda Mulimu? Ki yena Zuho ni Bupilo! Yeo ki niti.

<sup>84</sup> Busihu bwani fa liwate, fani ha Nali kwani, na katezi, mi na lobezi kwa mulaho mwa sisepe, kone kuna ni mioya ye eza likiti ze mashumi yene ikonkile kuli i Mu tibise busihu bwani, mi ni sisepe sa kale sani sa swana inge kapendelo fa liwate la mandinda ni mañungwa. Mioya ye maswe yani ne ihupula kuli, “Lu Mu sweli cwale. U lobezi; luka tibisa sikwata kaufela.” Oh, Nali mutu, na katezi, kono cwale hana filikanyizwe, A hata liutu la Hae fa litusi, atalima ni kubulela kuli, “Kozo, ibe teni,” mi mañungwa ni mandinda a Mu utwa. Yani na fitelela mutu.

<sup>85</sup> Nali mutu ha Na lapile, atuluka kuzwa fa lilundu, inza bata kankwa kamba nto yeñwi ya kuca, kamba kwa kota ya feiga. Kono ha Na ngile tuhobe totu ketalizoho ni tutapi totubeli, ni kufepa baba likiti ze ketalizoho, yani neli Mulimu ku Mutu. Yeo ki niti.

<sup>86</sup> Oh, mutu kaufela yana sina mayemo hande na lumela cwalo, baloki kaufela ne ba lumela cwalo. Ki kabakaleo yomuñwi na ñozi kuli:

Ka kupila Na ni latile; ka kushwa, A ni pilisa;  
 Ku pumbekwa, Na takuzi libi zaka;  
 Ka kuzuha, A ni lukulula kusina tifo  
 kuyakuile;  
 Zazi leliñwi Uka taha, O ki lizazi la kanya!

<sup>87</sup> Eddie Perronet, yo lipina za hae hane lipala kulekiwa. Zazi leliñwi, a tantalika ka mata a Moya o Kenile, aswala siñoliso, a ñola makalelo a pina, fani hana ñozi kuli:

Kaufela mu bubanise mata a Libizo la Jesu!  
 Mi Mangeloi awe ka mañwele;  
 Amutise mushukwe wa bulena woo,  
 Mi mu Mu apese ona yena Mulena wa boote!  
 (Haleluya!)

<sup>88</sup> Kaniti, sani kona se lu lumela kuli Nali cwalo. Eeni, sha.

<sup>89</sup> Una ni ku lumela ku ze sa konahali cwale, kwa munahano wa lizazi lani. Konakuli muna ni kulumela ku ze sa konahali, kuli mubone Bupilo bo bunca, kuli mubone nto yeñwi ku ezahala. Kono haiba Na lemuhile. . . Na Mu lemuhile kuba yena Linzwi, mi ze sa konahali zanga sibaka, kakuli ki Yena Mubupi, mi ukayemela lika kaufela Za bulezi.

90 “Mi lika kaufela za konahala ku baba lumela.” Lani ki Linzwi la Hae. Kono ze sa konahali za iponahazanga haiba Mulimu ungiwa ka Linzwi la Hae. Eeni, sha. Mi Mulimu ha ngilwe ka Linzwi la Hae, ze sa konahali za—za iponahaza. Mi Mulimu ha bulela kuli ku ka ba sa kuli, konakuli u nge Linzwi leo mi u libelele, ze sa konahali li ka ezahala. Ka niti li ka bateni.

91 Kono mulemuhe, nihaiba mwahala zani kaufela, musali ali, “Nihaiba cwale, Mulena, kaufela So ka kupa ku Mulimu, Mulimu uka si eza.” Na zibile fela kuli na ka nga fela Linzwi lani lene lizwa ku Yena. Kona fela za na lukela kueza, neli kunga Linzwi lani. Eeni, neli hola ya hae ye unsufezi luli, mi Jesu ataha ku to biza. Oh, ha ki taba ni yeo yene ba boni, yona zuho!

Halu talimeni ku babañwi hape fo liholo zensu hane litile.

92 Ne kuna ni muuna nako yeñwi, ya bizwa Jobo, alimuñwi wa bapolofita ba kale mwa Bibe. Nali muuna yomutuna. Nana ni—na lata Mulena, mi na ezize kaufela za na ziba mwa kuezeza. Mi Satani abata kuli amu sefe, kacwalo ali ku Mulimu zazi leliñwi. . . Eehe, Mulimu ali ku yena, nitaluse, “Ki kai ko zwa, Satani?”

93 Ki hali, “Oh, kwa ku zamaya zamaya kwa ni kwa ni kafa ni kafa mwa lifasi.”

94 Ki hali, “Kana u lemuhile mutanga Ka Jobo? Hakuna ya swana ni yena mwa lifasi. Ki mutu ya petehile.”

95 “Oh,” ki hali, “luli, U mufile lika kaufela, u mu ezeza lika kaufela. Kaniti, ki muuna yomutuna. Kono tuhela kuli ni be ni yena fa nako nyana, Ni ka cinca mubulelelo wa hae. Ni ka eza kuli mane konji a Ku lwahe, unzo Mu talimile.”

96 Ki ali, “Ha ukoni kueza cwalo.” Yani kona sepo ya Hae ku mulumeli. Kiñi? Yena ha Palelwi. Yena ki wa Kuyakuile. U ziba mafelelezo kuzwa kwa makalelo. Na zibile kuli Satani nasike kueza cwalo. Kakuli, Yena ki yena Linzwi, Na ziba kuli Jobo na ka eza.

97 Cwale, muhupule, Jobo, a mu nata ka limbongola, abulaya bana ba hae, ku amuha lika kaufela zana luwile. Mubili wa hae wa yonga. Mane nihaiba baombaombi ba hae ba taha, kono ba palelwa kueza sesiñwi kwanda ku mu tameleza fela kuli neli mueza libi yana ipatapatanga. Mi Jobo wa kale akena mwa buino bwa ñalelwa yetuna.

98 Muna ni kukena mwa ñalelwa, pili. Muna ni kuba mwa nako yakuli mu kwa mafelelezo a nzila.

99 Jobo na fitile kwa mafelelezo a nzila, fani ha to bulela kuli, “Kukutiwe lizazi lene Ni pepilwe. Mane lizazi lisike la monyeha ku lona, mi mane nihaiba kweli isike ya monyeha mwa nako ya busihu, mi kusike kwa bizwa libizo ni lelikana.” Mi mwa ñalelwa yani, kona fo Jesu fa na tezi. A talima fafasi, mi ali, “Na bona, kakuba mutu, palisa ya shwa, mi ya tuhela hape mwa nako ya

litabula. Haiba kota ibulumuka matali fafasi, ika kuta sinca hape ka munko wa mezi.” Na boni bupilo bwa limela kaufela ha bupila hape, kono ali, “Mutu ha lobala, ha timela, u kai?” Na zibile kuli neli muuna muhulu. Ki hali, “Bana ba hae ba bashimani ne ba tilo mu lila, kono na si ka lemuha. Oh, kambe No ka ni pata mwa libita mi uni buluke mwa sibaka sa mukunda, kufitela buhali bwa Hao bufela. Ni tomele nako ni ku ni ketela kalulo ya nako. Lwa ya . . .” Ni ku zwelapili ona cwalo, kubulela. Nali kwa mafelelezo, a ñalelwa ya hae, “Ki sikamañi sene si ka ezahala? Matali aka pila, akutela kwa likota, lipalisa za kutela hape, lika zeñwi kaufela za tuhela, kono mutu ha lobala kipeto wa timela!” Nali mwa ñalelwa. Na sa zibi sene si ka ezahala ku yena, ni ku yena ka nako yani.

<sup>100</sup> Mi hanali cwalo, kipeto Jesu ataha teñi. Mulimu na supile toho ya hae kwa lihalimu, mi a bona Jesu inza taha mwa mazazi a maungulo.

<sup>101</sup> Hola yani ye unsufezi hahulu fani musala hae ha naize, “Kuta Mulimu wa hao mi u shwe,” kono a bulela kuli, “Musali, ubulela sina musali wa sikuba. Mulena ufile, mi hape Mulena u ni amuhile, kufuyolwe Libizo la Mulena.” Nahaiba musala hae na mu fetuhezi. Keleke ya hae ya mu fetuhela. Mutu kaufela na mu fetuhezi.

<sup>102</sup> Mwa hola yensu yani, kwa na sa zibi kuli na ya kai kuzwa fani, Jesu ataha teñi. Mi ki ha huwa kuli, “Na ziba Muliululi wa ka wa pila, mi ka lizazi la mafelelezo Uka yema mwa lifasi. Mi mane nihaiba mabuku aka sinyu mubili woo, ibo ona mwa mubili wa ka wo Ni ka bona Mulimu, ki Yo Ni ka iponela.” Mwa hola ya hae yensu, mi Jesu ki ha taha teñi. Eeni, sha.

<sup>103</sup> Mushe, ku Mushe, hola ye unsufezi hahulu ya mu tahela mwa Isilaele. Nali mwa tukelo ya musebezi; a kopana ni Mulimu mwa sicacani, mi ali, “KI NA YALI KI NA.” Aya ku shetumuka mi a lwanisa malikanyiso kaufela a bo Janise ni Jambresi, bene ba lika ku likanyisa musebezi wa hae. Ze kaufela, na yemi ka ku sephala ka Mulimu. Kwa mafelelezo a konisa Isilaele ku lumela. Mi ki yo a zwelela mwa Egepita, kuya kwa—kwa naha ya sepiso, ko Mulimu na bulezi kuli, “Mu ka Ni lapela mwa lilundu leo.” Lani neli Linzwi la Mulimu. Mushe na zibile kuli nana ni kuya kwa lilundu lani. Amen. Mulimu na bulezi cwalo! Hakuna Faro ya na ka mu bulaya. Hakuna diabulosi ya na ka mu bulaya. Hakuna se si kona ku mu bulaya. Wa taha kwa lilundu lani. Amen! Haleluya! Ni ikutwa bulapeli. U ya kwa lilundu lani.

<sup>104</sup> Kacwalo lu mwa musipili wa luna kuya kwa Kanya! Hakuna se si ka lu tuhelisa. Batili, sha. Mulimu uka paka Linzwi la Hae. Hanina taba ka se si ezahala, Uka ba ni kueza cwalo, niteñi. Eeni.

<sup>105</sup> Mwa musipili wa hae, ona mwa musipili wa musebezi. Ki yo fa, na nyendaela mwahala malundu. Ha teezeza u utwa ze

buluma mwa mulaho wa hae. Ki sikamañi seo? Makoloi a Faro, aeza likiti kiti, inza taha; ne ba itukisize, ni miwayo ni lika zeñwi, kuli baba matise ni ku ba hatikela. Ki lani Liwate leli Fubelu, ne ba tibezi. Ki sikamañi sa na ezize? Na keni mwa- . . . Na keni mwa ñalelwa. Sicaba kaufela sa huwaka, “Oh, lukeni mwa butata bwa teni cwale. Faro uka lu bulaya, mikwale ya hae ika lu sehaka. Limbututu za luna li ka shwela mwa lihalaupa.”

Mushe a huwa, “O Mulimu!”

<sup>106</sup> Mi cwale Jesu ataha a i ponahaza. Nali yena Siita sa Mulilo. Yani ki niti. A taha ka ku shetumuka mi A nyendaela mwahala hae ni butata. Amen. Ki yena Muyemeli wa luna wa litaba. Ki yena Muyemeli wa luna wa litaba za luna, amen, ki Muyemeli. Ki yani Na yemi fani, inza yemi fani; lififi kwa Maegepita, bani babane ba taha ku to lika kueza nto yeñwi ka zona. Nali Liseli ku bona, ku to zamaya bukaufi. Mi ka nako ya kakusasana fani moya ha ukala kufuka katata, busihu bwani, konakuli ki sikamañi sa Na ezize? Na tile mwa mufuta wa Siita sa Mulilo.

<sup>107</sup> Muhupule, Usali yena Siita sa Mulilo sani. Eeni, sha. Ha Nali mwa lifasi, Na ize kuli, “Ni zwile ku Mulimu, mi Ni kutela ku Mulimu.”

<sup>108</sup> Mi kasamulaho wa lifu la Hae, kupumbekwa, zuho, ni kukambama; Muhalalehi Paulusi, fa musipili wa hae kuya kwa Damaseca, na wiselizwe fafasi ka Siita sa Mulilo. Muhupule, nali Muheberu. Na sa lukeli kubulela se. . . Na ize, “Mulena, Ki Wena mañi?” Litaku zetuna za M-u-l-e-n-a, Elohim. “Ki Wena mañi yo Ni nyandisa?”

Mi ali, “Ki na Jesu.”

<sup>109</sup> Amen! Haleluya! Ki yena Wapili ni wa Mafelelezo. U sali ya swana. “Fa nako nyana lifasi halina ku Ni bona, kono mina mu ka Ni bona. Ni kaba ni mina, mane mwahala mina.” Sona Siita sa Mulilo se si swana, yena Mulimu ya swana u eza lika ze swana, ka sepiso yeswana, amen, kueza Linzwi la Hae ku bonahala. “Ki na Zuhu ni Bupilo. Ki na Ya Na liteni, Yali Teni, mi Ya Ka taha.” Eeni, sha. Eehe.

“Bashemi ba luna ne ba cile maana mwa lihalaupa.”

<sup>110</sup> Ki ali, “Ki bona, mañi ni mañi, ba shwile. Kono, KI NA YALI KI NA.” Mushe. . . Mwa sicacani se si tuka, yani neli yena YA LITENI. Isali yena YA LITENI, isiñi kuli Ne ni liteni; KI NA, tensi ya cwale, nako kaufela.

<sup>111</sup> Lu fumana cwana fa kuli Mushe u yemezwi mwa lilulu le, mi Kreste atuluka fafasi. Cwale, mi Bibebe ibulezi cwana, kuli, “Mushe na talimile ku—ku shubulwa kwa Kreste kuli ki maluwo a matuna kufita minyaka ya mwa Egepita.” Ku shubulwa kwa Kreste! Kreste neli yena Tozo, lona Lumonyi lo ne lu zwile ku Mulimu. Lingeloi, mubali wa Bibebe kaufela wa ziba kuli Lingeloi lani neli Kreste. Mi ki Yani nali mwa lihalaupa, mi ki

Ha taha ku to iponahaza, mwa mufuta wa Na lukela kubonahala ka ona. Kanya ku Mulimu!

<sup>112</sup> U taha kacenu mwa mufuta o swana, ili yena Kreste yaswana, ya bonahalile.

<sup>113</sup> A ba bulelela kuli Na ka ba lukulula. Na sweli kueza ona cwalo. Na tilo yema bukafu ni Linzwi la Hae, ku Li bonahaza. Mi kasamulaho Amano taha, sina mwa Na ezelize ku Mareta, mi ki Ha biza. Abulela ali, “Mushe, kiñi ha u Ni lilela? Bulela kwa sicaba se, kuli muye kwapili.” Yona hola ye nsu yani, Liwate le Lifubelu la kwaluha mi ba silela mwa buse, mwa musipili wa bona ili kutaleleza Linzwi la Mulimu. Eeni, mwa hola ye nsu hahulu ya Mushe, mi Jesu ki ha sa taha teñi. Luna ni nako cwale. . . Mi ki Ha biza Mushe.

<sup>114</sup> Lu bata ku bizeza kutwisiso ya mina ku muuna yomuñwi yomunyinyani. Wa libizo la Jairasi. Kuna ni babañata hahulu mwa lifasi kacenu. Nali mulumeli wa kwa mukunda. Na lata Jesu. Na utwile ka za Hae. Na lumezi ku Yena. Kono, mwa bona, na sa ikopanyize kale kwa katengo. Eehe. Na—na—na—na bata fela. . . Na palelwa kuzwela kwande ni kubulela patalaza ka zona. Na li lumezi, kono na palelwa kubulela patalaza ka zona, kacwalo sa ikopanya ku baba salumeli. Kono ka niti na li lumezi luli.

<sup>115</sup> Mwa ziba, mi cwale mutu ha kena mwa mukwa o cwalo, linako zeñwi Mulimu wa mutisanga kwa kangisano ni yena. Ki mwa ñalelwa kona mo lu bonisezanga mibala ya luna, seo luli sona mwaniti.

<sup>116</sup> Kacwalo ki yani, na sa i kopanyize kale ku baba sa lumeli, mi na saile kale ku ñolisa libizo la hae mwa buka, ni zeñwi cwalo. Mi nali muprisita, mi kacwalo a—a palelwa fela kubulela nihaiba nto yekana, kakuli yani neli tikiti ya sico sa hae. Kacwalo, kono na sa lumela ku Jesu.

<sup>117</sup> Zazi leliñwi, mwana hae wa musizana akula. Oh, mawi. Yena, hakuna ku kakanya muuna wateni, haiba na ka. . . sina cwalo, na ka biza dokota. Mualafi kuli atahe, ato bona za tokwa mwana. Fibeleya hae ya totobela hahulu ni kufita. Kasamulaho nyana a cisa hahulu, ni lika kaufela, mane mafelelezo a yo fita fa kushwa. Nali mwa ñalelwa. Nana ni kueza nto yeñwi. Na—na sa zibi fela sa kueza. Cwale a nahana kuli, “Kambe Ne ni ka Mu fumana fela, kaufela Ko ainzi.” Cwale na si ka libelela kufitela hane seli busihu, sina Nikodema mwana ezelize, kuba litaba za lipuzo ni likalabo za kwa mukunda. Nako yeli ya kueza kezo, nako ne se itile ya kezo mi na lukela kunga muhato wa kezo ona fani.

<sup>118</sup> Mi Na sepa, muzwale, kezeli, ki nto yeswana ni cwale. Nako itile ya kuba ni kezo. Nako itile ya ku lumela kamba ku sa lumela. Ona mufunda o kauhanya wani wa tahanga ku muuna kaufela ni musali. Wa tahanga ku mwana kaufela. Fokuñwi ha mu sila



fa mufunda wani, kuna ni fela nto iliñwi ye siyalanga, yani ki katulo, ha mu fita mwahala sishemo ni katulo, ki fo ha mu silile mufunda wani.

119 Muhupule, na keni mwa ñalelwa. Na sa zibi sa kueza. Neku yemi baprisita ba hae, baluti kaufela ne ba yemi bukaufi ni yena. Ba kopano nebali ni yena, kaufela bona kwani, inge ba talimela musizana yomunyinyani ha shwa. Dokota na yemi fande, ni mazoho a hae a putilwe, inza nyanganyisa mazoho a hae, “Ni mu nwisize mulyani kaufela o Ni ziba, mi niteñi . . .”

120 Mwabona, neli Jesu ya beleka ka nako kaufela. Jesu na sweli kueza se ka mulelo, kutisa mubala ku mutu yomunyinyani yani. Kasumulaho nyana, Na mu bona ha ikungela kuwani ya hae yensu ye nyinyani ni ku itina, kuapala koti ya hae ya buprisita.

“Kana uya kai?”

121 “Ni . . . Ni utwile kuli U inzi kwa nuka. Na ya ni Mu latelele!” Oh, mawi! Ki yani aikela!

122 Mwahala hola ya ñalelwa yani, nana ni kuba ni buiketelo: kutuhela mwana hae kushwa, kamba na zibile kuli yani neli ponahazo ya Linzwi. Nali muprisita, mi na balile Linzwi, mi na zibile kuli kwani neli kuiponahaza kwa Mulimu. Mulimu nali ku Kreste, inza kutisana ni lifasi ku yena Kasibili. Na ziba cwalo, mi a hapeleza taba yani. Nana ni kueza mafosisa, kutuhela mwana hae kushwa, kamba kuba ni buipuleli bwa hae. Hana keni mwa ñalelwa yani, neli ka yona nako yani fani Jesu ha to taha. Na ilo Mu bona. Ki hali—Ki hali, “Ni kaya ni wena, kaufela so ka bulela.” Mi kwande fa mukwakwa, ki ha kutaha mumati, nto ye nsu kwani. Na sa file kale buipuleli bwa hae, kuli na Mu lumela. Na sa i kauhanyize kale ka nako yani, ni kuipeya iliyena mwa meeto a sicaba, kuli nali mulumeli wa Jesu.

123 Mi ki ha kutaha mumati, ali, “Usike wa kataza mutu, kakuli musizana wa hao u sa shwile. Na shwile maabani. U sa shwile kale. Usike, usike wa toliya nihaiba yomukana.”

124 Mi, oh, pilu ya hae yenyinyani ya bata ku palelwa kubeleka. Kono na talimile ni kubona meeto ani a Jesu, ali, “Kikuli ha Ni si ka ku bulelele? Usike wa saba, haiba ubata kubona kanya ya Mulimu. Ki sikamañi so saba? Ni ku bulelezi kale Ni ka ya.”

125 U bulezi kale kuli U ka taha. U bulezi kale kuli U ka eza sa kuli, mi ki yo fa U eza ona cwalo. Amen. Na bulezi kuli U ka zuha ku to iponahaza mwa mazazi a mafelelezo ni kueza ona lika ze sina mwa Na ezelize, sina hane lu balile busihu bwa maabani ni kuambola. Usweli Wa eza ona cwalo. Ki sikamañi so saba?

126 Muhupule, fani ha Na tile, mi ki Ha mu biza kuzwa kwa bafu. Natilo iponahaza ni ku mu biza kuzwa kwa bafu.

Bartimeasi sibofu sa kale, nako yeñwi, na fitile mwa hola ya hae ye nsu.

127 Jesu nali kwatasi kwani, na ongaongile mukushuko wa Baana ba Pisinisi ya Evangeli Yetezi kwani mwa—mwa Jeriko, mi Na nani Zakiasi kwani. Na mu katani mwa kota, mwahala nzila. Kacwalo ha Nali cwalo. . . Kihande, Na sike ku ongaonga sika kaufela, Na sepa. Mwabona? Kacwalo he ha Na tile kwani, mi Na—Na nani yena, Zakiasi a ya ni Yena.

128 Bartimeasi sibofu sa kale nabile sibofu kuzwa kwa bushimani bwa hae. Kacwalo na hupuzi kuli Jesu atahе mwa munyako wani, mi na sweli kulibelega. Kasumulaho nyana autwa lilata leli ñata, mi mañi ni mañi ataha.

129 Mi autwa muprisita hali, “Yela! Yela, wena, wena ya kambama lilundu leo! Kana—kana—kana. . . Lu utwa kuli usweli kuzusa bafu. Luna ni mabita atezi kwanu. Haiba ki wena Mesia, haiba ki wena Mesia, taha u to zusa bafu baa.”

130 Mwa ziba, yena diabulosi ya swana yani u sa pila, mwabona, mwa mufuta wa bulapeli, ka mukwa o swana. Mwabona?

131 “Haiba ki wena Mesia, luna. . . u zusize bafu; luna ni mabita atezi batu kwanu. Taha.” Mi, oh, mañi ni mañi wa huwa. Yomuñwi wa kalumuka, “Hosana ku Mupolofita!” Yomuñwi wa kalumuka se, *sani*, kamba *sesiñwi*. Kulyangana ko kucwalo!

132 Yena muuna wa sibofu wa kale yo a nahana kuli, “Oh, Ni Mu tondile. Ki ha taha kwani, mi Na hupula kuli Uka taha kwanu. Ni beilwe mwa sibaka se si fosahalile.” Mi akala ku kalumuka. A hupula kuli, “Haiba ki Yena Linzwi, Ki yena Mulimu; Una ni kuba cwalo.” Kacwalo, “O Jesu, Wena Mwana Davida, uni utwele butuku!” Mwa hola yani ya ñalelwa, a biza.

133 Cwale Jesu, haiba mu ka lemuha nto ye, neli kwa Jeriko. Kone ba bulezi kuli kona kwana inzi, nali fa hule nyana ka liñokolwa ze mashumi aketalizoho kuzwa fo ne kuinzi Jesu. Ka batu baba likiti kiti inge ba Mu nguba, Na sa mu utwi muuna yani hana huwa. Batili. Kono Na utwile ka maikuto a mubili. A yema.

134 Ni bata ku kutaza, leliñwi la masihu aa: “Mi cwale Jesu a yema.” Oh! “Mi kipeto Jesu sa yema.” Oh!

135 Kono fani Jesu hana tilo yena, neli sikamañi sani? A mu biza. “Muluti u tile. Usike wa bilaela,” balutiwa ba bulela, “Wa ku biza. Wa ku biza.” A mu biza kuzwa mwa sikwata sani.

U eza nto yeswana ni cwale. Kana sa nwela nji? Mwabona?

136 “Muluti utile mi wa ku biza.” Mi ki Ha mu biza kuzwa kwa bubofu kutaha kwa liseli, kuzwa mwa lififi kutaha mwa liseli. Mi A mu biza, kuzwa kwa lifu kutaha mwa Bupilo. “Muluti utile mi Wa ku biza.” Mi ha Na mu bizize, A mu kutiseza kubona kwa hae.

137 Musali yomunyinyani wa butata bwa mwenya, nako yeñwi, fahalimwa lilundu, na sa sinyize masheleñi a hae, kwa ma dokota. Musali, hakuna ku kakanya, ne ba lekisize li—li likwata. Ne se ba lekisize ma—ma matema, neba li lekisize. Ne ba

sinyehenzi kaufela ze ne banani kwa baalafi, hakuna nihaiba alimuñwi yana mu tusize. Na nza totobela kamita hahulu hulu. Mali na sa yemi. Kutundamena ona cwalo, ona cwalo ka tundamo za zwelapili, musali atotobela ni ku totobela.

<sup>138</sup> Mi zazi leliñwi, na inzi fani inza luka, fahalimwa lilundu lani fa na pila, na talimile mwa libala, mi a bona sisepe ha si taha. Mañi ni mañi akala kumata, “Hosana ku Mupolofita!”

<sup>139</sup> Na utwile kale ka za Hae. Tumelo itaha ka ku utwa. Cwale ki hali, “Na ya ku yo Mu bona.”

<sup>140</sup> Mi ha na zamaya kuya kwani, mi ki ha bonana ni Linzwi la Mulimu mwa nama, ne kunani nto yeñwi ka mubuleelo wa Hae ni mubonahalelo wa Hae, kuli na zibile kuli yani neli Yena. Eeni, sha. “Oh, kambe Ni kona fela ku eza kuli A bone ka mukwa omuñwi, kambe Ne ni ka kona fela ku Mu swala ka mukwa omuñwi!” Mi ki ha telela mwahala sicaba mi a yo swala sapalo sa Hae.

<sup>141</sup> Cwale muhupule, ne si munwana wa hae wa Na utwile. Batili, sha, kakuli sapalo sa kwa Palestine sa lepelelanga. Mi Yena . . . ba s- . . .

Pitrosi ali, “Mañi ni mañi u Ku sweli.”

<sup>142</sup> Ki hali, “Kono wo ki muswalelo o shutana. Ni lemuha kuli Ni fokozi.”

<sup>143</sup> Jesu na tile. Masheleñi a hae na felile, lika kaufela ne lifelile; kono mwa hola ye nsu yani fani mali ha na sa yemi, mi ni ma dokota ne ba palezwi ku a yemisa, Jesu sa taha. Mi ki sikamañi sa Na ezize? Na tilo mu biza. Atalima kwa ni kwa kufitela A to mu fumana, mi ki Hali, “No nani butata bwa mweya, kono a yemi.”

<sup>144</sup> “Yena ki ya swana maabani, kacenu, ni kuyakuile.” “Muluti utile mi Wa ku biza. U tile mi Wa ku biza.” Na mu bizelize kukutela kwa buiketo.

<sup>145</sup> Musali nyana fa lisima, ye ne lu bulezi maabani busihu, sepo kaufela ne se i felile. Hakulata, mwendi muuna hae wa bu ketalizoho na mu siile, mi kona ha na sa zo ipumanela fela wa bu sikisi mwa busihu bwani, mi nali—nali mwa kukakanya nyana ka yena. Ka swanelo, na sa ile. Na bata kuba kalibe wa niti; musali, hakuna ku kakanya, na nza balanga Bibebe.

<sup>146</sup> Mi na sweli kuya teñi kwani, neli ka nako ya ilebene kiloko. Na sa tahangi kakusasana ha ne ku tahanga basali ba ba ikutekile hane ba tahanga. Mi ne ba shimbela mezi a bona fa litho, ni mwa linkwana, mi kipeto ba kuta. Mi kacwalo na palelwa kutaha ka mukwa o cwalo, ku to kopana ni bona. Bona, ne ba nani ketululo ya zani mwa lizazi lani, baba lukile ni babande ne ba sa kopanangi hamoho. Matanya ne ba ina mwa libaka za bona, kacwalo na sa tahangi hamoho ni babañwi. Ne

basike ba mu lumeleza kuli atahe. Konakuli kasamulaho mañi ni mañi hana sa kile mezi a hae ni kukuta . . . Kona fa na telanga.

147 Mi cwale ki ha taha cwalo ni ndondo ya hae fa toho, hakuna ku kakanya kono na zamaya anosi, inza nahana kuli, “Cwale, muuna yo Ni nyezwi ku yena, kamba, yo ni ipumanezi busihu bwa maabani, Na mu kakanya. Ki muuna, u eza lika ka mukwa usili. Ha—Ha ni zibi fela ka za hae. Hanina kolo ni yekana. Na kendiwa kwa nyangela. Mi ha Ni koni kuya kwa likeleke zani, habana ku . . . Mu batalime fela! Ha ni zibi sa kueza. Ni mwa ñalelwa. Mi Ni bile ni bala Bibebe; kaniti, zazi leliñwi, kuli Mupolofita yani uka to iponahaza. Cwale Ni ziba kuli ba bulela kuli hakuna nto ye cwalo, mi luli ku cwalo, ‘Mwendi ka myaha ye mwanda kwahule, ni myaha ye eza sikiti kwahule. Lubile lu li libelela ka myaha ye eza sikiti, mi ha li si ka ezahala kale, kacwalo ha lu libeleli zeo cwale.’ Lika kaufela li cwalo, ‘Oh, batili, luna ni likeleke ni zeñwi. Ha lu tokwi zeñwi ze cwalo ka nako ya cwale.’” Konakuli na sweli ku ikela anosi kwani, inza nahana.

148 Mwa ziba, ha mu nahana ka Yena, kona Fa bonahalelanga ku wena. Sina mo ne lubezi cwalo bwa maabani, hane bali mwa musipili wa bona kuya kwa Emausi.

149 Mi ha na hupuzi ka lika zeo, a to utwa Muuna ya li, “Aku Ni fe kwa mezi.”

150 Ku cwani ka zona? Mwa liholo ze nsu hahulu za hae, fani buiswalo bwa hae ha ne bufelile. Mwendi neli kalibe yomunde yo munyinyani, ya na tilo fetuha kuba mwa mikwakwa ni kupila cwalo. Fokuñwi ha ki mulatu wa musizana yomunyinyani, ki mulatu wa bashemi ba hae, ku mu tuhelela kuli azwele kwande cwalo. Mi ki yani fani, mwendi milili a hae ne isweli ku lepelela fafasi; na kusufalile hahulu, na itamaela fela, na katezi, mi hakuna mutu yana nani sa kueza ni yena, ka za mwana, mi mane mwendi nihaiba likande tuna ka yena.

151 Ni hakuli cwalo, Na ziba nto iliñwi, na balanga Bibebe, mi na lumela mwa Bibebe. Mi ne kuna ni peu nyana ye li mwa pilu ya hae, ali, “Haiba ku ka ezahala, Ni ka li ziba.” Na lukiselizwe kale ku zeo.

152 Mutalime Judasi wa kale yani ali kuyema fani ni kueza mwa na ezelize. Ne ku unsufezi lififi mwatasa pilu ya hae. Liseli ne li monyeha kwani mwa misebezi ya hae, kono mwatasa pilu ya hae na Li lumezi. Mi ki yo nali fa . . . Mwabona, Liseli ne li sa punyi mwatasa mwani. Kono ki yo nali fani, na lumela, na Li lumezi, kono bupilo bwa hae ne bu tibezi; mi Liseli ha li to benya, Ne li zusize ku unsufala kwani. Kono cwale Liseli ha ne li to monyeha kwa halimu, Ne li unsufalie lika kaufela mwa sibaka. Yeo kona shutano.

153 Mwabona, na pepezi libaka lani. Musali—musali ali, fani Ha na mubulelezi kuli ki baana babakai bana bile ni bona,

musali . . . Ki sikamañi sene si ezahalile? Na tilo kala ku tabela cwalo. Na keni mwa ñalelwa. Mi ki hali, “Muñaka, Ni lemuha kuli U Mupolofita. Ni ziba kuli Mesia ha ka taha, Uka eza lika ze.”

154 Mi ki Ha to mubiza. Mi ki Ha to mubiza. “Kina Yena, Yena ya bulela ku wena.” A to lemuha ka Linzwi la Mulimu. Na mu bizize kuzwa kwa sibi sa hae, kukena mwa Bupilo. Mi libizo la hae li mwa Bibebe, mi una ni Bupilo bo bu sa shwi kacenu.

155 Wa kona kuku biza ni wena ka mukwa o swana, kakuli Wa swana maabani, kacenu, ni kuyakuile. Ki . . .

156 Eehe, buiswalo bwa hae ne bufelile, kono niteni na zibile kuli Na nani temuho yani. Na zibile kuli yani na lukela kuba yena Mesia. Mi cwale Jesu hatoli, “Kina Yena, Kina Yena,” na zibile kuli kona mo ne kuinezi.

157 Nako yeñwi balutiwa nebali mwa sisepe, sepo kaufela ne i felile. Mandinda, ne ba zamaile hamoho ni Jesu, mi mandinda nali fela inge—inge mone kuinezi kwa ndu ya Lazaro. Sepo kaufela ne i felile. Sisepe sesinyinyani sa kale ne si tezi mezi. Mi ne ba huwa ni ku lila, mane mwendi ni kulapela kutundamena, ni mamonyi ainge a monyeha, mi sisepe sa tala mezi, misumo ya lindembela ya wela fafasi, lilabo za lobakeha, mi se ba swalana yomuñwi ku yomuñwi, inze balila.

158 Mi ona mwahala hola ye nsu hahulu yani, mi Jesu ataha inza zamaya. Kono Na bonahalile inge muluti ku bona. Na bonahala ku sabisa, inge silumba, ba lila ka sabo.

159 Bo kona butata kacenu. Jesu utahanga mwa hola ya mina ye nsu, mi kipeto mwa Mu saba. Ha mu zibi kuli Ki sikamañi seo.

160 Ne ba sa zibi kuli Na li sikamañi. Se bali, “Oh, ki silumba!” Ne ba huwaka.

161 Mi ki Ha ba biza, ali, “Mu si sabi, ki Na.” Mwa hola ye unsufalezi mukwazo, Jesu kona fa telanga, Tuso ya bona. Cwalo Mwa ezezanga kamita, u tahanga mwa hola ye unsufalile hahulu. Mi kipeto Jesu ataha ku to iponahaza Iliyena, ni kutaha ku bona.

Pitrosi ali, “Haiba ki Wena, ni lumeleze ni tahe fa mezi.”

Jesu ali, “Aku tahe.”

162 Mwa ziba kana, balikani? Cwanoñu Uka tela baba cwalo mwa mazazi a maungulo a. Cwale, kana ha ki nto yenca kuli keleke se ikeni mwa hola ye nsu ye hape?

163 Ni ka bulela nto yeñwi fa. Ha ki tuto. Na polofita fela. Mwa ziba se ne si ezahalile nji? Si ka fita fa sibaka, cwanoñu, mu buluke manzwi aka, kuli likopano kaufela li ka ikopanya mwa Katengo ka Kutwano. Haiba ha ba ezi, habana kuba ni tuso ye zwa kwa Katengo. Kabakaleo, ku kaba kuñala, mi hakuna mutu ya ka ya kwa likeleke ze, kamba kuya kwa keleke ifi kaufela; konji haiba una ni liswayo le lizwa kwa keleke ya henu, hamuna

kuleka kamba kulekisa. Mwa li bona fela sina mone kuinezi, kona mo ku kabela hape, nombolo ya sibatana. Mi keleke, ba lemuha cwalo, sicaba sa moya.

<sup>164</sup> Mi mina sicaba sa Pentekota, ni hakuli cwalo, musweli mwa li lemuha. Mu kalile ku li utwa. Fani likeleke za mina, buñata bwa likopano za Mapentekota; mi ha Ni tokwi ku biza mabizo a mina, kono mu ziba hande ona fa kuli—kuli ba taha ku zona. Ba felize bupaki kuli kona mo ne ba inezi. Mi ha mu eza cwalo, ki sikamañi se muka eza? Mu ka lukela kuli itobohe lituto za kolobezo ya Moya o Kenile Evangeli ya mina. Mu kaba ni ku Muka lukela ku itoboha tuto ya mina ya Bibebe.

<sup>165</sup> Mi mamembala habana ku li yemela. Bakreste baba pepilwe sinca ka niti ba ka shwa, pili. Ba lemuswa ki Linzwi. Ba ziba kuli nto ye ya taha. Eeni, sha.

<sup>166</sup> Mi kana ha ki nto yenca? Mi ona mwahala hola ye unsufezi mukwazo ye, kona mo Jesu ataha mi u to lu biza, kuli, “Mu si sabi. Ki Na. Ni sa li ni mina. Ni tezi fa ku to bonahalisa Linzwi la Ka.” Mwa Na inezi nako yani, kona Mwa inezi ni cwale. Na bulezi kuli Uka eza cwalo. Oh, mawi! Muluti utile mi wa lu biza.

<sup>167</sup> Batu ba bakula babañata mo, hakuna ku kakanya, kuli bateni mo, mi dokota u mi bulelezi kuli hakuna—hakuna sepo ku mina. Mwa kona kuba mwa hola ya mina ye nsu hahulu, kono, muhupule, Muluti utile mi u mi bizize.

<sup>168</sup> Mi zazi leliñwi, zazi leliñwi, Muluti uka taha mi a to biza libizo kaufela le li ñozwi mwa Buka ya Ngunyana ya Bupilo. Haiba a mina haayo mwateni, muutwe zeo cwale, kakuli Uka taha mi abize. Mane ni babali mwa mabita ba ka utwa Muhuwo wa Hae ni ku zuhela kwa Bupilo. Muluti uka taha ku to mi biza. Mi Ha sweli kubiza kacenu, mu alabe ni ku itukiseza Lizazi lani, kona kelezo yaka ku mina.

<sup>169</sup> Sepiso ya lusika lo, Na sepisize kuli Uka ba faa. Lika za Na ezize, Uka lieza hape, mi cwale hape Muluti utile mi wa mi biza.

<sup>170</sup> Halu inamiseni litoho zaluna. Nina ni makepe a silezi cwalo fa, kono Hani—Hani koni kufita ku ona cwale. Halu inamiseni litoho zaluna. Ne ni sepisize ku mi lukuluz ka nako, mi seli mizuzu ye fiftini mwa mulaho.

<sup>171</sup> Ndate ya kwa Lihalimu, O Mulena, ha li ezahale hape. Lika ze kaufela ze Ni bulezi, “Jesu utile mi wa ku biza.” Ki sikamañi Sa eza Ha taha? Wa bizanga. Mi ha si ezahala hape, Mulena. Tuhela Moya wa Hao o Kenile utahe mwahala sicaba busihu bwa kacenu, yena Mulena Jesu mwa mufuta wa—wa Moya. Ha tahe busihu bo Mo a ipatulule Iliyena, mi kipeto a i patulule Iliyena. Sina sicaba sani, mo ne ba lumelela, lu ka lumela, hape, Mulena. Kuna ni babañata mo, mwendi, baba si ka ba kale ni kolo ye. Lu lapela kuli U ba alabe mwa busihu boo. Kakuli lwa li kupa kwa kanya ya Mulimu, ka Libizo la Jesu. Amen.

172 Yeo ki niti, kezeli, kono muzwelepili fela ona cwalo. Yeo ki nto yende. Muzwelepili fela ona cwalo. Oh, ka kukuza fela, mañi ni mañi.

173 Kana mwa lumela kuli U tile? U tile. Kana Usa biza Ha tile nji? Cwale kambe ne mu ka lumela fela. Kambe ne mu ka lumela fela Linzwi la Mulimu, Mulimu uka li alaba.

174 Cwale mutalime, Hanina nako ya kubiza mukoloko wa kulapelela kwanu. Ni ka ba biza busihu bwa kacenu, kwande kafoo, haiba Mulena alata. Muluti utile. Utile ku to taleleza Linzwi la Hae mwa lizazi le. Ni sa Na li sona ka nako yani, Usali cwalo kacenu. Seo ponahazo ya Hae kamba zibahazo neili sona, ku cwalo ni kacenu, kakuli Yena usali yena Linzwi la Mulimu. Kana mwa lumela cwalo? [Puteho ili, “Amen.”—Mu.] Mi Linzwi la Mulimu la Lemuha mihupulo, ni maikuto a mwa pilu. Ni mwa Na ezelize ka nako yani, kona Mwa bile aezeza kamita. Yena usali ya swana. Haiba Uka eza fela sani cwale, kikuli mu ka Mu lumela? Kana lika eza kuli mu Mu lumele nji?

175 Mina sicaba kwande kafoo cwale, mutuhele ni talime pili ni kubona haiba kuna ni yomukana yo Ni ziba, ya inzi kai kamba kai kaufela mwahali mo, yo Ni ziba.

176 Kaufela baba liteni, ona mwahali *mo*, baba sa ni zibi, jmu nanule mazoho a mina; muziba kuli hakuna se Ni ziba ka mina, mi mwa kula, mu nanule mazoho. Na sepa, mañi ni mañi. Ku lukile, cwale, mwa lumela. Mu lumele fela ka lipilu za mina kaufela. Musike mwa kakanya. Mube ni tumelo. Mulumele Mulimu.

177 Ni ka mi kupa kuli mube ka kukuza luli, muine. Musike mwa filika filika cwale, shangwe musike. Mwabona? Mwabona? Mina mu—mu moyo, mubili, ni moyo. Mi moyo wa mina. . . Ni Moya o Kenile una ni maswabi.

178 Ki babakai baba hupula, ki myaha yekai kwa mulaho, kuli Moya o Kenile, hane Ni ti lo mi bulelela? Ha Ni ka swala batu fa lizoho, Na ni bulelezi kuli temuho ye neika taha, mi kipeto ni kuzwelapili? Mwa hupula zeo, mwa hupula sani nji? Kono Na ize, “Haiba ukanga sicaba kuli si ku lumele.” Mwa hupula mazazi ani, myaha yeñata kafoo? [Puteho ili, “Amen.”—Mu.] Muna ni kulumela.

179 Ni bona muuna yani, Ni lumela kuli neli kwanu mwa mukopano omuñwi, ne niinzi ona faale. Mi Moya o Kenile. . . Ne ni sweli ku mu talimela inza kutaza. Nali muuna wa sihole. Nana ni milamu fa ku cuñutela kwa mazoho a hae. Mi cwale hane Ni kalile fela kubiza, Satani ataha ku muuna yani, ki muluti o munsu. Mi Na i talima ka meeto. Ayema mi azwela fande. Ukaba sihole ona cwalo, mwabona. Mi kacwalo, yena, kwa na ka folisezwa kwani kambe na kaba fela—fela. . . Mwabona? Kono, fela, Hani zibi kuli kiñi. Ni sepa kuli na sweli fela kuteeleza kwa sila. Kono kambe ne mu ka yema ni kutalimela miluti yani,

kubona lika zani mwa mifuta, ka mo liinezi, ni ku li bona mo li ezeza. Mwabona, ne likaba cwalo. . .

<sup>180</sup> Cwale, Hanikoni ku folisa. Mutu ya ka mi bulelela kuli wa kona ku mi folisa, ki lihata. Mina mu folile kale. Kono, ki kulemuha Kubateni kwa Jesu Krete. Cwale haiba Mareta na Mu zibile hape, kuli na ka ba ni takazo ya hae, kakuli Nali Linzwi leli bonahalile, kikuli halukoni kulumela cwalo busihu boo, ku lumela cwalo? Luli, luna ni kueza cwalo. U tile. U tile, U tile mwa mufuta wa Moya o Kenile. Yani kona Yo ali Yena. Cwale mu lapele fela.

<sup>181</sup> Mwabona, ona kwanu, kambe Ni na ni mutu yana ka yema fa, ona kwanu fakaufi ni na, fela ka—ka kulapela; mwa bona, batu babañata ba lapela, ki mwahala muyaho kaufela. Muna ni fela ku li talimela. Hamukoni kubulela kuli, “Kuli, Muzwale Branham. . .” Batili, sha. Hani—Hani koni kueza cwalo, mane hakukonahali nihaiba ku ni lolela tolo. Mwabona? Mwa kona kulola. Mina, Mulimu wakona ku mi eza kuli mu ni lolele kwateni tolo, mwa lumela cwalo, kono hamukoni kueza zeo ka mina bañi. Hamukoni kubulela cwana, kuli, “Muzwale Branham, Ni ka ku lolela tolo cwale.” Batili, hamukoni kueza cwalo. Kamba mane Hanikoni kubona pono. Kaufela ya ka mifa tolo, yo ki yena yakona ku lieza. Ki nto yeswana ni pono.

<sup>182</sup> Ni bona muuna yainzi mo kwa mafelelezo a lipula, ya katazwa ki kuopa mwa lingongo. Haiba uka lumela ka pilu ya hae kaufela, Mulimu uka mu folisa ka kuopa mwa lingongo. Kana wa lumela kuli Uka eza cwalo, sha? Wena yainzi foo, muuna wa mu Mexican, ya inezi kwa mafelelezo a mukoloko wa lipula, kikuli wa lumela nji? Ku lukile, sha.

<sup>183</sup> Kalibe yainzi bukaufi ni wena, ni yena ukatazwa ki kuopa mwa lingongo, hape. Kana wa lumela kuli Mulimu uka ku folisa, kalibe? (Kana *siutwala* mulumo o mutuna hahulu nji? Ni bilaela kuli batu ha ba utwi.) Uka lumela? Ku lukile.

<sup>184</sup> Kucwani ka kalibe yomuñwi wa mu Mexican yainzi bukaufi ni yena? Ukukazwa ki butata bwa mwamba. Kana wa lumela kuli Mulimu uka folisa mba ya hao, kalibe?

<sup>185</sup> U amuhezi. Ha Ni bona Liseli lani ha li ya fafasi, fo kotalusa kuli ku ezahalile. Eehe. Kona cwalo. Li mu monyehile. Mi ki Lani, lisweli pikuluha. . . [Hakuna manzwi fa tepu—Mu.] . . . sani ki sona. Luli? Kifo Hakona kufumana tumelo! Mwabona, “Lika zeñata Na si ka lieza bakeñisa ku sa lumela kwa bona.”

<sup>186</sup> Ki yo kalibe yainzi fa yasweli kulapela, ona fa. Wa saba. Wa lukela kusaba. Una ni buino bwa kansa, ye maswe luli. Hani ku zibi, kono Mulimu wa ku ziba. Kana wa lumela kuli Mulimu wakona ku ni bulelela za kansa ye, kamba nto yeñwi? Ni talime. Kuna ni babañata hahulu baba sweli kalapela, mwa bona, kono ha Ni bulelela cwalo. Amu lu talime. Cwale, eeni, wena hauzwi kwanu, le ha ki lapa la hao. Uzwa kwa sibaka se si bizwa kuli



Porterville, California. Yeo ki niti. Kana wa lumela kuli Mulimu wakona ku ni bulela yo uli yena? Wa ziba. Libizo la hao ki wena Musala bo Wintham. Yeo ki niti. Cwale lumela, mi ni kansa ika ku siya. “Haiba mwakona ku lumela.” Kona fela zeo Mulimu ami kupa kueza. “Haiba mwakona ku lumela.”

<sup>187</sup> Kana ha u lumeli ka pilu ya hao kaufela? Yomuñwi kwa neku *le*, kikuli uka lumela? Muluti utile mi wa ku biza. Usweli wa ku biza kuzwa mwa lifu kukena mwa Bupilo, kuzwa kwa butuku kuya kwa buiketo.

<sup>188</sup> Ki yo muuna yainezi kwa mulaho kwanu, ya inamisize toho ya hae fafasi, wa lapela. Yena luli ha itapeleli ka za hae, usweli kulapelela mutu yomuñwi. Ki mu—ki mu musizana. Ki mwana hae wa musizana. Kana mwa lumela, sha? Una ni butata bwa mautu a hao. Una ni butata kwa liñwele la hao. Yeo ki niti. Ha kuna tuso ya kulila, yani ki Yena fa bukaufi ni wena. Mwana hao u mwa sipatela, nji cwani? Ki butuku bwa maswafu. Wa lumela. Wa lumela? Muluti utile mi wa mubiza. Kana uka lumela, kakuba ndata he? Uka lumela? Mi cwale Ha mupotele busihu bo, ni wena. Ha lifele cwale.

<sup>189</sup> Ki yo fa mushimani yomunyinyani, mushimani yomunyinyani wa sifateho se si fubelu. Ukula butuku bwa mbangashwa, ni kufipelwa, ki mushimani nyana wa mu Mexican, mushimani wa mu Mexican ya inzi fani. Ha zweleli kwanu. Uzwelela kwa San Jose. Kana wa lumela, mushimani? Nto yeñwi, bo ndataho batile ni wena kwanu. Ki bo mukutazi. Yani ki niti. Kana wa lumela kuli Mulimu wakona ku ni bulelela libizo la hao? Kana si ka kueza kuli ulumele ka kutiya? Libizo la hao ki wena Reuben. Cwale lumela. Um-hum. Mulimu uka ku folisa.

<sup>190</sup> Muluti utile mi Wa kubiza. Oh, muezalibi, oh, mutu ya kula, kikuli hauboni Muluti ya iponanahaza mwa batu, mwahala balumeli? Utile ku to biza bana ba Hae baba lumela kutaha kwa buiketo. Utulo biza muezalibi kwa kubaka. Ya wile, membala wa keleke, Muluti utile mi wa ku biza.

<sup>191</sup> Kana mwa lumela nji? Kana mwa li lumela ka ze mutokwile cwale? Haiba mwa lumela, mu nanule mazoho a mina, muli, “Na lumela kwa za kutokwa kwaka.” Konakuli mu nanuhe cwale mi mu li amuhele. Muluti utile mi wa mi biza. Mi yo kaufela uli yena, kaufela sika so tokwile, Muluti utile mi Wa mi biza. Ki ya swana maabani, kacenu, ni kuyakuile.

<sup>192</sup> Musali yomunyinyani yani akena mwa muleneñi, mi ali, “Amutahe, muto bona Muuna Ya ni bulelezi ze ne fosahalile.” Mina ha mu si ka kena mwa muleneñi. Hamu tahe, mu to oponela, kacwalo Muluti utile mi wa mi biza.

<sup>193</sup> Mu nanule mazoho a mina ni ku Mulumbeka, mi muli, “Mulena Jesu, Ni muezalibi; ni swalele. Ni kutezi mwa mulaho; aku ni kutise, Mulena. Ni tokwa Moya o Kenile; ni taze. Na

kula; ni folise. Ni sihole; aku ni eze hande.” Muluti utile mi wa ku biza. Ha mu nanule mazoho a mina cwale mi mu Mufe milumbeko. Amen.

<sup>194</sup> (Aku lufe munembo nyana faa, “Ni ka Mu lumba, Ni ka Mu lumba.” Mwa ziba? *Ni ka Mu lumba*. Wa i ziba yeo, nji cwani?)

Kana mwa lumela?

Ni ka Mu lumba, Ni ka Mu lumba,  
Oh, mulumbe Ngunyana ye shwezi muezalibi;  
Mu Mufe kanya, kamukana mina sicaba,  
Kakuli Mali a Hae atapisize masila kaufela.

<sup>195</sup> Mwa Mu lata? Cwale ha mulati ku Mu opelela Ha sali mwahali mo? Ki Moya osweli kuzamaya mwahala muyaho wo. Wa ziba lipilu za mina, wa ziba za mina kamukana. Ha lu iopeleni ku Yena, ka lipilu za luna kaufela.

Ni ka Mu lumba, (munanule mazoho a mina hamu eza cwalo), Ni . . .(cwale amu Mu lumbekwe fela) . . .ka Mu lumba,  
Oh, mulumbe Ngunyana ye shwezi muezalibi;  
Oh, mu Mufe kanya, kamukana mina sicaba,  
Kakuli Mali a Hae atapisize masila kaufela.

<sup>196</sup> Oh, kalibe, mina mwa lipula za mawili, haiba muka lumela fela hanyinyani kafoo. “Ni . . .” Halu ilikeni hape. Ni sweli kulibelega nto yeñwi.

Ni ka Mu lumba, Ni ka Mu lumba,  
Oh, mulumbe Ngunyana ye shwezi muezalibi;  
Mu Mufe kanya, kamukana mina sicaba,  
Kakuli Mali a Hae atapisize masila kaufela.

<sup>197</sup> Cwale hanze lu opela cwalo hape, mu sikuluhe, mu swale yomuñwi kwa lizoho, halunze lu iopela, luopele kuli, “Ni ka Mu lumba.” Kifo cwale, kaufela hamoho cwale.

Ni ka Mu lumba, Ni ka Mu lumba,  
Mulumbe Ngunyana ye shwezi muezalibi;  
Mu Mufe kanya, kamukana mina sicaba,  
Kakuli Mali a Hae atapisize masila kaufela.

<sup>198</sup> Oh, muezalibi mulikani, kana hauna kutaha kwanu cwale? Taha kwanu mi u Mufe milumbeko, kamukana mina sicaba. Kaufela mina sicaba baba bata ku Mu bulela kuli ki Mupulusi. Fa Pila Hae, fo ba bakenile habanze ba lumbeka ka Moya, kikuli hauna kutaha kwanu mi u yeme? Muli, “Ni bata kufa bupaki, busihu boo. Ni bata ku Mu fa milumbeko. Ni bata kutaha. Ha ni Mu swabeli. Ni bata kuli lifasi lizibe kuli Na Mu amuhela kakuba Mupulusi wa ka, ona fa Ha sa liteni.” Hamutahe hanze lu iopela.

Ni ka Mu lumba, (kana ha mutahi?) Ni ka Mu  
lumba,  
Oh, mulumbe Ngunyana ye shwezi muezalibi;  
Mu Mufe kanya, kamukana mina sicaba,  
Kakuli Mali a Hae atapisize masila kaufela.

199 Oh, kona cwalo, kalibe, taha ona cwalo. Ki mañi hape ya ka taha, fa Pila Kreste? Aku tahe kwanu, kezeli, yema fa.

200 Mutu yomuñwi ya Mu bata kuli abe Mupulusi wa hao, ona fa, ya sa swabi. Na ize, “Haiba mu Ni swabela fapila batu, Ni ka mi swabela fapila Ndate Mane ni Mangeloi a kenile.” Haiba ha mu Mu swabeli cwale, mi mwa Mu bata kuli abe Mupulusi wa mina, ha Sa liteni mo! Mu Mu boni. Ki kupetahala hande, lona Linzwi Kasibili Li zibahalize. Amu nanuhe baba kenile habanze ba lumbeka cwale. Kana hamuna ku nanuha?

201 Mulimu aku fuyole, muñaka. Ki yo kalibe wa mucembele ya taha, ya taha kwa siyemo sa niti. Kikuli ha utahi cwale?

Ni ka... (amu i opele cwale)... Ni ka  
lumba...

202 Yeo ki niti, mitangana ya sanana, amu tahe ona cwalo. Mulumbeke fela. Mulimu aku fuyole, kalibe, cwalo kona mwa ku ezeza. Mulimu ami fuyole, banana.

... ye shwezi muezalibi;  
Mu Mufe kanya, kamukana mina sicaba,  
Kakuli Mali a Hae atapisize masila kaufela.

203 Mi bakutazi habanze baya kwa sicaba se cwale kikuli hakuna mutu yomuñwi fela ya taha? Ya kutezi mwa mulaho, kikuli wa taha, ubulele kuli, “Ni swabela bupilo bwa ka”? Ki yo Uteni fa. Wa ni lumela kuli ni mutanga Mulimu? Mu nanule mazoho a mina. Kiñi, Jesu Kreste uteni mwahala luna. Kana ha mutahi?

Mu Mufe kanya... (Kikuli ha mutahi, mu Mufe  
kanya?)... sicaba,  
Kakuli Mali a Hae atapisize masila...

204 Mareta, kana wa taha, kamba uka itulela mwa ndu ni Maria? Kikuli uka itulela mwa kopano yeñwi, mi uli, “Oh, keleke ya hesu ha Li ilumeli ka mukwa wo,” fo Kreste ha iponahaza? Kana uka itulela ni kubulela cwalo, kamba kikuli wa taha uzwele kwande? “Kihande, Ni ka ku bulelela, ha Ni ka...” Batili. Kacenu, ye ki yona hola. Lifu li ku yemi fakaufi, inge mwana musizana wa Jairasi.

205 Mutahe cwale! Ya kutezi mwa mulaho, taha cwale. Muezalibi, taha cwale. Ye ki yona nako. Muluti utile mi Wa mi biza. Usweli wa mi biza. Mu li, “Ni ka ziba cwani?” U sweli kuitusisa linzwi la ka. Haiba U itusisa linzwi la ka kubulela matuku, matata ni zeñwi, konakuli ha mu zibi kuli Wa biza hape

bakeñisa sibi? Amu zwe! Mutahe cwale, ye ikona kuba kolo ya mafelelezo yeo mukona ni yona fateni.


<sup>206</sup> Hañwi fela, kuna ni ba bañata mwahali mo baba lukela kutaha, balikani. Hani lati ku mi utwisa maswabi, kuli ni mi bizeze kwanu. Zeo ha li sika luka. Haiba fokuñwi mwendi mu ka. . . Bafarisi bani ne ba hupula kuli ba pilisizwe, kono ne ba si ka piliswa. Ni mina munahana nto yeswana. Mutahe cwale.

<sup>207</sup> Mube baba ikolwisisa! Musike, musike mwaikungela fela licika ka zona. Haiba kuna ni kukakanya mwa munahano wa mina, musike mwa hakanyeha. Mutahe cwale. Cwale ye kiyona nako, cwale Liweluwelu ha li sa kwaluhile, ni Moya o Kenile ha u saliteni mo. Muluti utile. Ona ku kakanya ko kunyinyani kwani, kona Za lika ku mi bulelela, “Usweli ku kakanya.” Mu tuhele zeo. Kifo mutahe, cwale. Muluti utile mi wa mi biza. Yeo ki niti, muzwelepili fela kutaha, muzwelepili fela kutaha cwalo.

Ni ka Mu lumba, Ni ka Mu lumba, (Kana ha mutahi mu Mufe milumbeko nji?)  
 Mulumbe ngunyana ye shwezi muezalibi;  
 Mu Mufe kanya, kamukana mina sicaba,  
 Kakuli Mali a Hae atapisize masila kaufela.

<sup>208</sup> Cwale fo baezalibi ha ba sweli kutaha, ku to ikungela Yena; sicaba cwale ha si Mufe milumbeko, hanze lu i opela cwale. Mwahali mazoho a mina, muopele ili ku Mu lumba, cwale, kaufela hamoho.

Ni ka Mu lumba, Ni ka Mu lumba,  
 Mulumbe Ngunyana ye shwezi muezalibi!

<sup>209</sup> Amu Mufe milumbeko! Mina sicaba mwahali mo, mulapele, mu Mu kupe kuli a mi swalele. Seo kona Sa ka eza. Muluti utile mi wa ku biza. Mulimu ami fuyole. 

*MI JESU A TAHA ATOBIZA* LOZ64-0213  
(Then Jesus Came And Called)

Liñusa le ka Muzwale William Marrion Branham ne li kutalizwe lwa pili mwa Sikuwa la Bune manzibwana, Yowa 13, 1964, ili fa Elliott Auditorium mwa Tulare, California, U.S.A., liingilwe kuzwa fa tepu ya magesi ya manzwi kusina ku zusa sika mwatani ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)